

## რა არის საქსუალური შვიწროობა?

სექსუალური შვიწროება არის არასასურველი, სექსუალური შინაარსის მქონე ნებისმიერი ქმედება. ეს ქმედება მოიცავს: სექსუალური ხასიათის კომენტარებს, უხამს ხუმრობებს, მიტერებას, სტვენას, ტელეფონის ნომრის ან შეხვედრის დაუნიებულ მოთხოვნას, რომელიც უარის შემდეგაც გრძელდება; ასევე სხეულზე შეხება უნებართვოდ და გენიტალიების ჩვენება.

სექსუალური შვიწროება შეიძლება, მოხდეს ყველგან:

- ✓ სამუშაო ადგილას;
- ✓ საჯარო სივრცეში: ქუჩა, საზოგადოებრივი ტრანსპორტი, მინისქვეშა გადასასვლელი ა.შ.
- ✓ სერვისის მიღების დროს: რესტორანი, სალონი, აუზი, კინო ა.შ.

სექსუალური შვიწროების მსხვერპლი თავს გრძნობს შეურაცხყოფილად, დამცირებულად, უხერხულად, დაუცველად. სექსუალური შვიწროება ადამიანში შესაძლოა, იწვევდეს შიშს და ბრაზს. გარემო, სადაც სექსუალურ შვიწროება მოხდა, იქცევა მტრულ გარემოდ და ადამიანი ცდილობს, გაერიდოს მას.



## საქსუალური შვიწროების მსხვერპლი

სექსუალური შვიწროების მსხვერპლი შეიძლება გახდეს ნებისმიერი ადამიანი. თუმცა, სექსუალური შვიწროების მსხვერპლები ყველაზე ხშირად ხდებიან სხვადასხვა ასაკის ქალები, მათ შორის, მოზარდი გოგონები. 2014 წლის კვლევის მიხედვით გამოკითხულთა 45% აცხადებს, რომ განუცდია სექსუალური შვიწროების სხვადასხვა ფორმა თბილისის მეტროში.

## რა შიბვიძლია გავაკეთოთ საქსუალური შვიწროების წინააღმდეგ?

1. პატივი ვცეთ სხვა ადამიანებს და მათ პირად სივრცეს, თუ ადამიანს არ სურს გარკვეულ ურთიერთობაში შემოსვლა, ნუ დავაძალებთ;
2. გავუზიაროთ სხვებს ჩვენი სექსუალური შვიწროების ისტორიები და გამოცდილებები, თუ როგორ გავუმკლავდეთ ასეთ ქმედებებს;
3. უპასუხოდ არ დავტოვოთ სექსუალური შვიწროების შემთხვევა! აუცილებელია, მოვიგერიოთ ჩვენ წინააღმდეგ განხორციელებული სექსუალური შვიწროება და მივუთითოთ ადამიანს მისი ქმედების სიმძიმეზე;
4. ჩავერიოთ, როცა ვხედავთ, რომ სხვას სექსუალურად ავიწროებენ.

## საქსუალური შვიწროება სამუშაო ადგილას

სამუშაო ადგილას სექსუალური შვიწროება შეიძლება, განხორციელდეს უფროსის ან კოლეგის მხრიდან. სექსუალური შვიწროება გამოიხატება სექსუალური შინაარსის არასასურველ კომპლიმენტებში, ხუმრობებში, პორნოგრაფიის ჩვენებაში; უფროსის მხრიდან სექსუალური ურთიერთობების მოთხოვნა დანიანურების ან სამსახურიდან არგავდების სანაცვლოდ. სექსუალური შვიწროების მოგერიება განსაკუთრებით რთულია, როდესაც ის ხორციელდება უფროსის მხრიდან, რადგან არასასურველ შემთავაზებებზე უარის თქმა სამსახურის დაკარგვის რისკებთან შეიძლება იყოს დაკავშირებული.

სექსუალური შევიწროება ადამიანის უფლებების დარღვევაა. სექსუალური შევიწროება ცუდად მოქმედებს ადამიანის ფსიქიკურ ჯანმრთელობაზე და აიძულებს მას, შეცვალოს საკუთარი ქცევა, ჩაცმულობა, ან საერთოდ მოერიდოს საჯარო სივრცეებს, რაც მკვეთრად აუარესებს ადამიანის ცხოვრების ხარისხს.

**თუ საჯარო სივრცეში სექსუალურად გავიწროებენ, მიმართეთ პატრულს!**


პოლიციის ცხელი ხაზი **112**

სექსუალური შევიწროების შემთხვევაში კონსულტაციისათვის მოგვმართეთ “საფარს”

ნომერზე **2 307 603**



Sapari / საფარი



სექსუალური შევიწროება  
**აკრძალულია**